

全
閩
詩
話

全閩詩話卷九 國朝

晉安鄭方坤編

周亮工

閩將樂歸化人以三月爲小清明八月爲大清明展墓者或小廢無敢大廢者予庚寅仲秋過其地火垸山下壤皆正赤紙錢遍野雪如霞如作大清明曲孤墳亦識歲時更短竹齊挑八月簾亦壤青松雪色紙鏞州獨作大清明銀甌山下展新塋蠶榼紛將橡栗盛敢向春風偏認小長眠人亦畏秋聲骷髏欲共鐵犁爭閒盡春秋鬼不盲莫嘆雲仍渾忘却舊墳強半小清明

閩小紀

志稱天下有十大名山建寧府漁梁山其一也然四方

人與建寧人但稱武夷卽取道其間者亦但稱霞嶺俱
不及漁梁余霞嶺詩有漁梁北接大竿長之句閩人異
之蓋未之考也閩之以漁梁入詩者自予始

因樹屋
書影

閩諸灘惟汀之清流九龍灘最號奇險予嘗過之作口

號云渴龍無數截中流一葉斜從石隙浮解纜戒人咸

莫語齊編竹箸罾船頭雪花翻滾浪聲翻十八灘前九

曲龍估客到來齊戒載逆風駕起護波蓬刑牲載酒拜

龍頭安濟祠中告亂求費盡十梢無限力過龍便自賣

清流都將絳索換新機曲曲防他八面風却笑長年堅

似鐵甘心膜拜土梢公

閩小
紀

朱竹初但求之楮賴間頃過劍津西山數頃琅玕丹如

火齊乃知此君亦戲著緋爲賦二詩云高情直與晚派
鄰僂舞安知醉有長舊族傳爲絳縣老孫枝近作赤城
人瀟湘淚盡終餘血淇澳花繁不是春曾在龍門柯畔
立支離更見爨中身亂擗桃花映客醅斜批鶴頂間青
蘿翻新競比紅兒曲截笛留吹赤帝歌酒醞宜城光未
定冠裁薛縣色全訛遙看巖下爛熳處或是秋聲相葉
多問小

崔從

崔從字殿生閩縣人十三能詩自號西竺村童卒業陳
徵君仲醇從父徵仲宦游吾杭刊有耕秋詩一卷古詩
摹形長吉文深義淺近體尤纖微癢痒有輿雨一絕云

葉香亂打冷霏霏與夢尋秋鴈影稀烟雨滿溪行不了
渡頭扶傘一僧歸又舟行云春到江聲掃碧天漁船不
繫入孤烟開窓依舊山無雪水鴨呼寒宿柳邊殊有畫
理寒食五言云晨鐘全瘖雨春蠶半養烟乃爲漸近自
然

榕陰詩話

何其偉

何其偉字悟于號鼎石山人著濤國別集同年陳元登
龍淮爲叙有七絕云黃艾森內人吳氏死烈亂中予妻
爲存其鏡貽詩一首歸之云尚有菱花不減輝新粧幾
度拭羅衣雖然無復嫦娥影不似他家破月歸其偉又

著春秋胡諍

榕陰詩話

黎士弘

黎士弘字媿曾長汀人負岸異姿自爲孤童卽能讀等身書嗜聲詩又不好繁艷諧俗語少遊寧化李元仲之門稱入室弟子應試三山見曾弗入作蘭與蘭語詩爲贊弗人大擊節且語人曰黎生漢魏之苗裔也時新建徐世溥有文名與虞山宗伯書謂今海內人士惟長汀黎媿曾及漢陽李文孫兩人已耳而周櫟園方伯謂黎自可單行若比並漢陽恐疑譽伍其爲名公大人所傾倒若此順治甲午捷京闈屢試禮部不第需次授廣信司理旋以裁缺補永新令舉能其職歷官至甘山道移節寧夏適邊將倡亂河西一帶無固壘人心風鶴訛言

日數起顧獨以鎮靜處之督餉籌邊治軍書每至達旦
八年塞上勞苦功高迨于羽舞階膚功克奏諸公多以
節鉞相推而屢疏陳情卒遂初服以去一畝之宮彈琴
賦詩蕭然有以自樂幾忘當日之赤羽白旗而以身爲
長城之寄也者昔臧文仲有言賢者急病而讓夷若此
者可不謂加於人一等歟著作甚富選家謂其古文清
新俊逸未嘗步武前人而動與古會詩格隨年而變大
抵刊落陳言清真樸老與周櫟園汪舟次諸公後先競
爽異於以顰悅爲工者寅湖青草之奇靈洞翠華之秀
吾於託素一集蓋悠然而觀其深矣

本朝詩
鈔小傳

黎士弘字媿會長汀人少時賦蘭與蘭語詩投曾弗人

弗人曰黎生漢魏之苗裔也著有託素齋集周櫟園爲

之序推崇甚至櫟園有閩茶曲媿曾作閩酒曲以配之

云板橋官柳拂波流也勾春朝半月遊數盡紅衫分隊

隊彌錢齊上謝公樓唐張九齡詩謝公樓上好醇酒五

女觀臨長憶江米接隣香冬至先教辦壓房燈子才光

新月好傳箋珍重喚人嘗汀俗於冬至日戶皆造酒而

藏之經時待嘉社前宿雨暗荆門接手東隣隔短垣直

待韓婆風力軟一庖陽鳥各寒溫長汀呼冷風爲韓婆

韓婆蓋誤以寒爲韓也值歲暖則倒置韓婆水中謂能

變寒風使其炭速售陽鳥酒名釀之隔歲至陽鳥密時

始飲者新泉短水拍香浮十斛梨香載扁舟獨讓吳兒專

價值編蒲泥印冒蘇州上杭酒之佳者曰短水猶縮水

也載貨郡中冒名三白然香氣

甘冽竟能亂真矣間分飲部酒如朔三合東坡滿一蕉讓却登

壇銀海子久安中戶注風消江人以薄酒爲見風消曾酌當壚細

埔中高帘短柳逆糟風近無人乞雙頭賣幾戶朱牌掛

半紅紅上酒爲雙頭其次者名半紅延邵汀三郡皆同稱誰爲狡獪試丹砂却令

紅娘字酒家怪得女郎新解事隨心亂挿兩三花釀家每當

酒熟時其色變如丹砂俗稱紅娘過缸酒謂有神仙到門則然家以爲吉福之兆競挿花賞之俗陰詩話

茶山傳爲陸鴻漸舊居陸好茶故名茶山山側有泉因

遂目爲第四泉是未嘗攷張又新煎茶記也然山因陸

固足傳泉性甘冽又自足傳正不當以次第爲高下耳

秋深無事與同官策騎相過謀構數椽存其遺跡學佛

人德如慨然任之予爲額其楣曰獨清書一聯於朴千

年舊姓存前哲一掬寒泉付老僧意殊適也

託素齋文鈔

水仙汀地不產一二賈客自贛地携至汀人不識多以青蒜目之憶予初至張掖見民間歲首家各剗蘿蘆空中以代盆盎一一青葱可愛私念邊西苦寒之地猶見水仙繁盛乃爾及就問乃蒜也里人固指水仙爲蒜而余又誤以蒜爲水仙俱可爲他日笑柄當嚴冬淒緊百卉俱腓獨水仙一種標新領異結根水石之間離塵絕俗真不愧命名之義矣予向有句云士女行春多結伴仙人浪跡總浮家似上語長於下語在有意無意間而座客各以下語爲勝要從比擬形似間論耳

託素齋文鈔

道士吳嵩隱自負相人之術偶見之於鄆在公太守座

上論予骨法合應得仙卽尚爾游戲人間亦當得一百
二十二歲予爲撫掌大笑故壽太守公長歌有曰山陰
道士跡太奇許我年歲過期願倘果一百更二十我時
爛醉公扶攜曾記五代間王相國溥父祚爲周觀察使
富貴極所不知者壽一術者窺其隱爲之執策布算曰
怪哉公乃壽至一百四十歲惟一百二十歲上春夏間
星辰參錯略防微恙餘皆坦途也祚輦蹙見顏色顧令
子弟筆記之曰某月日萬勿令我輩生冷物事人生妄
念癡腸真有如是者時幼子穉孫在側手撫而笑語之
曰爾曹慎毋忘乃翁一百二十二歲時也近暑甚於屋
東廂改闢窓戶以納涼氣適道士來顧旣退因採桂紙

序次其語聊一書之粘壁

託素齋文鈔

林古度

林茂之詩客來自何處爲言南山頭昨夜片時雨新漲
春澗流入白門云白門迢遞夕陽間千里閩天一日還
依薄客情無別事逢人都問武夷山芳草云春風吹百
卉草色遍相侵到處沒馬足有時驚客心遠連空漢上
寒漾碧波潯獨有明妃塚青青恨至今又孔雀菴云依
然一茅宇宛在干竹林秦淮新漲云春雪消谿岸江潮
上水門雪夜簡胡彭舉云今歲山城雪偏於昨夜深同
爲閉戶客故自絕相尋同喻宣仲鷺峰寺聽秋鶯云物
候遷移愴客魂啼鶯何意戀山邨不因落葉林間滿猶

道啼春在寺門潯陽別曹汝載云扁舟客思共閒餘分
手那堪卽到初明月中秋九江水愁人無暇作鄉書又
雲樹見楚色詩篇聞越吟黃鳥暫啼去清風時下來右
皆與曹能始吳非熊唱和時節刻意六朝未染楚派者
也

漁洋詩話

戊申九月十六日偶過陳翰林子端所出手鈔白雲先
生陳昂五言律二卷讀之因憶辛丑壬寅間予在江南
嘗與林茂之先生遊爲言白雲出處甚奇時林方攜其
萬曆甲辰以後六十年所作屬予論定予謂先生昔能
傳一陳白雲吾獨不能傳先生乎因爲披揀得百五六
十首皆清新婉縵有六朝初唐之風施愚山過廣陵

之驚曰世幾不知此老少年面目矣子真茂之知己也
乙巳予見之金陵時兩目已失明垂涕而別亡何遂卒
今日讀陳詩及鍾退谷叙茂翁識陳始末感慨書之

池北

偶談

詩人袁孟逸死無子夫婦寄棺於泐水寺之旁上雨旁
風暴露者十年林若撫草疏告哀莫有應者聞人林古
度寓泐水寺弔而悲之取一摺扇畫兩棺貯敗室中極
荒涼慘淡之狀而題詩其上曰兩柩荒荒牆裂存雨淋
日久旁頽垣君平善卜自不料伯道無兒誰與言倘仗
詩篇埋白骨猶憑風雨閱黃昏何時墓上真行殯千古
山松共姓袁以扇授僧牧菴俾爲募塋新安程月樵見

而慨然出錢以充窀穸乃得塋於袁氏祖山而古度題

其碣

詩集

林翁茂之居金陵年八十餘貧甚冬夜眠敗絮中其詩有恰如孤鶴入蘆花之句方爾止寄翁詩云積雪初晴鳥晒毛閒攜幼女出林臯家人莫怪兒衣薄八十五翁猶綈袍及卒周櫟園侍郎塋之鐘山

池北偶談

林茂之夏無蚊幃愚山少忝自湖西製紵帳貽之恐其貧不能守屬余吳仲調阮懷題詩其上俾無售者詩曰隆萬詩人林茂之江關垂老益支離從今睡穩蘆花被孤鶴寧教白鳥欺茂之孤裂夜寒曾有孤鶴入蘆花之

句故云

梅耦長集

林茂之窮老金陵冬夜詩云老來貧困實堪嗟寒氣偏
歸我一家無被夜眠牽破絮渾如孤鶴入蘆花夏又無
帷帳或遺之則舉以易米予謂暑無憫病於寒無憫君
能守之當爲作計處士笑曰願守之以虎客皆絕倒予
在豫章爲寄紵帳書絕句其上屬同志者各題一幅不
問知爲林先生物卽謂之墨守可也詩曰北窓高臥豈
知貧料理偏愁白髮人紵帳親題林處士草堂長伴百
年身

愚山
全集

余懷

余澹心莆田人居建康嘗賦金陵懷古詩不減劉賓客
謝公墩云高臥東山四十年一堂絲竹敗符堅至今墩

下瀟瀟雨猶唱當時奈何許孫楚酒樓云江南城西酒樓紅無數楊柳迎春風孫楚去後李白醉千年不見紫

髯公雨花臺云雨花臺上草青青落日猶銜木末亭一

綫長江三里寺千年鶴吸九秋螢勞勞亭云蔓草離離

朝送客驪駒愁唱新亭陌夜深苦竹啼鷓鴣空床獨宿

頭皆白順治辛丑屬嚴子餐寄予廣陵予答詩云千載

秦淮水東流繞舊京江南戎馬後愁絕庾蘭成鐘阜蔣

侯祠青谿江令宅傳得石城詩腸斷蕪城客

漁洋詩話

李香身軀短小膚埋玉色慧俊婉轉調笑無雙人名之

爲香扇墜子有詩贈之曰生小傾城是李香懷中婀娜

袖中藏何緣十二巫峰女夢裡偏來見楚王武塘魏子

中爲書於粉壁貴陽楊龍友寫崇蘭詭石於左偏時人
稱爲三絕由是香之名盛於南曲四方才士爭一識面
以爲榮

板橋雜記

尹春字子春姿態不甚麗而舉止風韻綽似大家性格
溫和談詞爽雅無抹脂障袖習氣專工戲劇排場兼擅
生旦予遇之遲暮之年延之至家演荆釵記扮王十朋
至見娘祭江二齣悲壯淋漓聲淚俱迸一座盡傾老梨
園自嘆弗及余曰此許和子永新歌也誰爲韋青將軍
者乎因贈之以詩曰紅紅記曲采春歌我亦聞歌喚奈
何誰唱江南斷腸句青衫白髮影婆娑春亦得詩而泣
後不知其所終

板橋雜記

青箱雜記云王安國詩好用酒樓常問子詩有幾酒樓
余因憶甲子奉命往祭南海大雪渡潯陽江後二十二
年作詩贈鄆城人樊被云苦竹黃蘆滿目愁嘈嘈切切
似江州茫茫九派多風雪憶泊潯陽舊酒樓不知安國
見之以爲何如也又陳倉有古賣酒樓東坡嘗賦詩予
丙子再以祭告入蜀過之題一絕句云昨向宜春下苑
遊曲江烟草似悲秋珠簾甲觀俱黃土何必陳倉賣酒
樓故友余澹心詠孫楚酒樓云江南城西酒樓紅無數
楊柳迎春風孫楚去後李白醉千年不見紫髯公乎選
入感舊集此亦二酒樓也

分甘
條話

十七八女郎歌楊柳岸曉風殘月若在曲中則處處有

之時時有之予作憶江南詞云江南好景本無多只在
曉風殘月下思之祇益傷神見之不堪回首矣

板橋雜記

明日有人招弟肩輿三十里往看柳鋪灣梅花因思老
愛青春貧愛酒尋花只當作生涯父執余淡心佳句今
人能到乎弟眼白今人詩非過也兄自不覺耳不宣

潛邱

劉記

西堂輓余曼翁絕句云生逢鼎革覩流離抵掌常談南
渡時贏得人呼魚肚白夜臺同看黨人碑曼翁與杜于
皇白仲調齊名號余杜白金陵市語有魚肚白染名

良齋

徐延壽

崇禎己卯存永侍尊甫與公徵君訪于拂水存永方綺
歲才藻麗逸予以孝穆期之後十餘年存永偕陳開仲
自閩過存坐絳雲樓下摩挲沁雪石周視棟架古史舊
文談興公與孟陽游跡余爲詩曰高人有福先歸地野
老無謀但詛天酒罷悲吟欬歔別去是歲絳雲樓災存
永寓書相三日之哭又七年以尺木集請序存永之詩
富有日新至是而大就哭曹能始長篇述陽秋詢琬琰
富矣哉古良史也往存永談閩詩深推其友許有介頃
游南京見有介詩每淫佳處爬搔狂叫喜存永爲知言
乃愀然命筆爲其集叙乳山道士適來告曰存永所居
偪塞戎馬苑委江雨桑架礮車播遷困厄其詩當益工

所就當不止此嗟夫讀有介之詩知閩之才士與存永
爭能鬪捷者後出而愈奇聽乳山之言卽存永一人之
詩所謂見新非故者屢見而未見其止甚矣人才之難
盡而斯人之文心靈氣未可以終窮也

徐延壽字存永閩人徐爌興公之子也家龍峯藏書與
曹能始謝在杭埒亂後並田園盡失之將移家湖南道
廣陵與予定交有過燕子磯作云馮夷吹浪鬣山根雲
樹千重暗白門故壘尚聞雙燕語空江曾見六龍奔楊
花暮雪行人路杜宇春風古帝魂扣柂中流頻喚酒客
情難遣是黃昏

漁洋詩話

許友

楚人門巷滿湘色竟陵胡君信句野航人遠鴈聲低候

官許有介句

漁洋詩話

先生才兼三絕名盛一時虞山蒙叟最愛其詩錄之入
吾彙集要其篇章字句不屑蹈襲前人正如俊鶻生駒
未可旋以韉勒

靜志居詩話

黃元啓 徐謙

芝城高士徐謙與同郡學博黃元啓爲莫逆交徐舉丈
夫子三年當強仕忽先後奪去自傷家赤貧無力買妾
悲悼之餘幾作削髮入山想矣黃時官汀州廣文聞其
變尋作書招之留署齋者月餘至除日徐力求去黃買
舟送之臨發爲治廬席酒半從容語徐曰君母悲苦早

爲君地此來特屈君駕非徒以晤言解憂也遂入內攜
二女郎出皆殊色徐不知所謂愕曰此何爲者此君家
何人黃策曰將欲爲君家人耳贈妾古有行者吾何遽
不古人若君雅善風鑑就中誰可任宗祧者請擇一人
相與枕藉乎舟中矣徐素長者逡巡力辭者久之黃正
色言曰君幾幾終鮮兄弟今年逾四十似續之計可謂
迫矣今日之舉有萬種傷心在勿徒作風流豪舉觀也
徐口塞黃知其終不肯擇乃闔書二妾名氏置篋中設
香几偕徐望空拜祝畢檢其一卽以鼓吹送玉舟中筵
席裘帳咸備諧花燭而還妾名綠嫣年二十二云附黃遣
妾占詩非不憐卿去義在愛所輕行行不須念我自全

友情古人贈妾應有以蛾眉何用戀知己卿當此口重
如山伏卿不在顏色美昔發故人書感嘆復唏噓掌珠
連墮地渺渺獨愁予中年此事難草草以卿歸之願卿
好早甘同夢叶熊羆明年定有嬰兒抱從今善事徐君
子莫弄嬌癡舊相似卿曾熟讀小星詩我代風人亦如
此又五言律二首商得心中事伏卿在此行不須疑薄
倖豈復說多情一榻輕移去雙蛾別畫成南州春幾許
回首暮雲平信步尋幽草無心到海棠自從花易手空
抱月歸房柳浪鶯聲切冰壺客思長只今高燭下不計
照紅粧又徐謝贈妾七言四律十年三失掌中珠司馬
青衫淚幾帖不自意君行古道竟能於我贈名姝如

風味懷千載鍾王心情及薄軀俠處五陵輕換馬翩翩
豪舉總成籠一縷宗支百感憂此行端不爲風流灘高
千尺鼉鼉怒雨積三旬草木愁厚誼故人輕割愛淒情
媿予漫言羞麒麟但乞天邊種非用蛾眉欸白頭熊夢
初生願莫違春來小艇弄輝輝芳洲文鳥聯拳宿鏡渚
桃花對面飛櫓自有聲呼碧玉雲如作態捧江妃故將
托贈卿何恨倘得寧馨歸不歸小星詩綴二南篇風雅
由來不偶然入戶梅花能避雨當庭櫟木解含烟聲齊
鼙鼓喧元口盤進屠蘇送客年從此螽斯能蟄蟄隆恩
高並海之天

促膝齋
類藁

陳一策

陳一策字爾忱晉江人著有香雪齋七律清婉可誦夜宿山園云故人留宿在山園幽僻居然絕世喧萬木叢中烟繞徑千峰缺處月窺軒鶴聲聒耳能醒夢虎跡關心早閉門見說梅花開遠寺明朝相約過前村訪友云草堂新築傍苔磯城郭風塵到此稀背閃夕陽雙鳥沒屐黏晴雪一僧歸石橋水色虛搖檻板屋梅花亂撲扉今日似遊人境外與君相對欲忘機

榕陰詩話

劉芳蔭

劉芳蔭字震蕃莆田人過姚氏園云晨起日光薄看山負杖行落花松徑滿流水石橋平嵐氣涼侵閣江聲喚度城翻嫌金谷麗此地最幽清

榕陰詩話

黃錫衮

黃錫衮字素公閩縣人咏秋風有落葉入寒多句

格陰詩話

先外祖處菴黃公

子月望夜夢同曹膺玉至一書館清幽絕俗几硯精良
帷間有一先生夷蹲榻上白晳清癯可望而不可卽外
一媼侍客待茶遠視簾外盆石蒙茸似予家豢魚盃對
壁題何石二字媼笑謂曹子曰非孝廉所題乎曹方沉
吟帷間先生呼曰二君不可無詩意在咏石也二人各
欣然執筆予曰山根雲影罩潛魚跌坐浪宜水竹居眼
裏英雄全不識幽齋只伴古人書曹曰蒙籠望裏見維
摩瓔珞垂肩手貝多我自何年題字去紅塵障斷眼生

波帷中剛稱善頓醒憶念二詩悟吾與膺王似各有身

世之故在其中謹錄封此

和敬堂集

陳伊斐嘗有參養之患予因閒談偶舉眉公筆記云百折山中道士常檻虎初餓之後稍給飯及菜終不與肉久而雄心都盡遂賣與人守門大者千五百錢小者千錢率爲定值初至猶駭牛馬後則見駒犢而驚避矣此言有無不可知然其理則甚耐思因爲口占一絕云久慣豐林不治生餓求悞傍檻邊行莫言平昔欺羣鹿菜飯多時見犢驚嗟大虎而至於咬菜根豈非不治生之

過世

東窓書事

處菴忘情主組益肆力於文章凡夫金版玉璽瑤璫怪

雖莫不窮其要眇故擗札含毫鬱風霞之情而備雅頌
之體其文出經入史在龍門扶風之間詩則五言古本
於漢魏十言古近體本於盛唐淳潔含蓄麗而有則蓋
確知詩之源流利病而不爲輕才諷說之所易遂能去
其癥結歸於離喈嘗遊齊魯吳越之邦所至人爭傾慕
莫不結縞紵之歡曾寓虎邱僧舍曹秋岳侍郎紀伯紫
處士過訪皆有詩曹云怪底衰年多快遇滄波剩有濯
纓人紀云蒼涼白石無塵跡下問千人問一人其爲名
流見推如此

道山亭集

高兆

丁卯客福州飲方氏水亭時大雨卽席分韻牌限七律

詩予前四云別院櫺前水榭通雙鳬唼藻近簾櫳筵前
忽見驚濤白樹杪爭翻洗露紅適同席者鄭幾庭先輩
高固齋在坐間並讀余所爲曼殊別誌甚感固齋因吟
云豐臺人在翻新句小調應名洗露紅遂作洗露紅詞
弔之幾庭復取洗露紅三字作酒政以三六翻底成牌
者飲亦一佳話

西河
討話

少陵五言如塞蘆子留花門及在鳳翔送四判官等作
灼形勢切事情讀者謂以韻語爲奏議成一家之言後
之人無能爲役是固然矣予從游鄉鄭君處得見其鄉
前輩高固齋荷蘭使舶歌紀述詳明見微知著直可作
一篇籌邊策讀卓然與杜老代興無疑也詩云乙巳

十月鈴閣日清秘撫軍坐籌邊頗及荷蘭事幕下盛才

賢共請窺其使連騎出城隅江聲來瀚溟橫流蔽大舶

望之若山墜千重列樓櫓五色飄幡幟飛廬環木偶上船

周遭刻木偶如人以疑遠層檻含火器大佛郎機百畫革既彌縫外

革牛丹漆還塗堦每月塗伽馬漆叩舷同堅城連鑣足馳

騎竹立望崇高真非東南利某也亦賓客絕藤計登跋

番兒侯雀室探首如鬼魅上下以藤結梯雀室梯中侯

手援引操前以攝衣升及半火攻炫長技烟霧橫腰合雷電交

足至客登船施放譯使前致辭此其事大義其上容干

人方車矧並轡其人各垂手周行若沉思船上人無事

息竟日干周不中央匱指南樞紐浮天地船中央以匱閉

全聞詩話 卷九 詩話軒

指南之主 鐵軸夾其間 凌雲百丈植七帆 恒並張八風

無定吹帆以布凡七張 宵施如網羅 坐臥引猿臂 帆絳

如網 舶人暇升絳生臥 下觀空洞底 委積於焉寄 數層

其中遠望之如猿 係 索懸六釜 作食 載土滋種 蒔有土

蔬種 但可歎博厚 安能測遠達 遂舶師亦國臣 逢迎慰臨蒞

坐我臥榻旁 饌餼足明媚 雕檣障玻璃 皆盡處 懸桁

垂齒 觶飲器皆以桁懸 發筭云葡萄 洗盞注翡翠 高瀉

成貫珠 傳飲勸霜醉 國常行酒以傾瀉 銀槃薦仄疏風

味頗浸漬 色可餐 豈欲傾其釀 因之窮審視 明明

簪筆邊 木爲筆如半卷 有文字繪事 江海迹水道 何太

備島嶼 分微茫 山川入詳委 是日於其時 筆處得一卷

字如鑑分識其下考之皆五虎門內外沿海地圖及水
澤淺處詰問譯人以識水停船爲對時使者提問旁皇
說圖見包藏寧惟一驕恣上馬大橋頭目送增憂歸鳴
呼通王貢詎可忘覲伺周防勿逡巡公其戒將吏國去
勢已形禮義不足餌鋪夏錄

黃虞稷

龍眠方復齋先生爲江南望族行七子年二十復齋已
六十九矣方氏諸名宿往來水繪園最久故復齋談冒
氏掌故尤詳所言同人贈答詩文多有本集他書所不
載者辟疆有姬人董白字小宛金陵人善書畫兼通詩
史早卒辟疆作影梅菴憶語悼之一時名士吳園次以
下無不賦詩以贈溫陵黃俞邵虞稷二絕更佳冒見之

哀感流涕其詩曰珊瑚枕薄透嫣紅桂冷霜清夜色空
自是愁人多不寐不關天末有哀鴻半床明月殘書伴
一宰昏燈霧閣緘最是夜深淒絕處薄寒吹動茜紅衫

蓮坡
詩話

毛西河答贈黃俞邵詩二首云黃金高築不曾遙敢道
才高氣似龍客路經年棄下澤官齋臥日到高春王通
家有三珠樹和嶠身如千丈松仙幸臺城重會合秋宵
一聽景陽鐘虛傳往日賦明河十載長淮未放舸秋盡
論詩逢沈約年來講易共田何龍江過雨低紅蓼牛首
看雲捫絲蘿建業重逢愁思遠敢言對酒不當歌按此
詩云麗漆清詞鄰下逢西河才力子氣如龍頻年變

爲客是處移家欲賃春又云明河咏罷添愁思故有賦
明河及氣似龍句明河篇卽淮陰所賦者一時傳誦人

口見七古卷

西河詩註

馬瑤草士英貴陽人罷鳳督時僑寓白門肆力爲書學
董北苑而能變以已意王貽上云蔡京書與蘇黃抗行
瑤草胸中乃亦有邱壑黃俞邵題一絕半閒亭上草離
離尚有遺蹤寄墨池猶勝當年林甫輩弄麈貽笑誤書
時貽上又題云秦淮往事已如斯斷素流傳自阿誰比
似南朝諸狎客何如江令壁牋時瑤草爲後人邪揄如
此錄

丁燦

閩詩派自林子羽高廷禮後三百年間前惟鄭繼之後
惟曹能始能自見本色耳丁鴈水燁亦林派之錚錚者
其五言佳句頗多如青山秋後夢黃葉雨中詩鶯啼殘
夢後花發獨吟時花柳看憔悴江山待祓除皆可吟諷
丁晉江人歷官湖廣按察使

漁洋詩話

虔南花鳥比中土絕異紅白梅常與桂花齊開可譜入
風土歲時諸記丁觀察鴈水持節雙江於使院傍隙地
構甃園雜植名卉新城王司成祭告南海道出雙江題
甃園詩云初來甃園禪早愛甃園詩夜雨前山過青苔
使院滋故人傾卯酒名卉發辛夷物候炎方異春風生
桂枝鴈水有自賦鶯啼序紀事詞云聞來署東風輕暖

芭蕉覆地鎖頽牆破屋三間棹桷空存而已淒然念前
人退食荒涼爰舍今如此鷄鳴僮垂藥命僕購材于市
壬戌之秋八月旣望乃經營夢始厥工肇先自軒房堅
茨丹堊母侈過中庭名葩雜植是棠桂梅桃稱並愛霜
枝北舞螭翻鸞停鵲峙層軒當北別甃疎垣使園通花
氣更別向黃柑林下結成亭子繞以闌干蔭將櫻李徑
錦錦石籬牽芳荔墻陰修竹搖寒翠看深宵月色涼如
水適魚藻影何殊濯魄冰壺此境疑非人世檐楹旣具
燕雀還來樂在其中矣且消受素屏清几贏得身閒客
主傳勝夢迴觀史四美或並六宜粗備彈琴灌圃皆吾
事較陶公蓮甕差堪比茲園非敢爲家但欲流行聊隨

以止此詞一出好事者爭相鈔寫遂與坡公八境臺並

傳

詞苑叢談

古平原村店中姑蘇女子題壁鷓鴣天一闕有收拾菱
花把劍彈之句庚申春暮丁觀察之任虔南和詞云瓜
子初分碧玉年花枝憔悴一春前陌頭塵澆文鴛錦柳
外風欺墮馬鬢郵壁上墨光懸柔腸百叠念鄉關才人
厮養千秋恨箏柱調來拭淚彈掩抑低徊頗有白香山
同婦琵琶之感

詞苑叢談

鄭燧新

燧新字鞠思閩縣人閒居云閒居何所適開卷有淫
情水性原宜澹花心故喜晴曠觀雲入定幽夢草初生

忽聽簾前鳥聲聲解不平

格陰詩話

李贊元

李贊元字巨侯龍溪人春日象山山莊云羣峯當戶牖
翠落庭陰不入此中路安知物外心石橋通澗細烟
久旁山深爲語武陵叟桃源尚可尋

格陰詩話

吳第

吳第字中庸晉江人竟陵署中以詩代家書寄弟曰不
久成歸耳聊先報數行真看衰相見肯爲熱官忙酒可
留新醅花須蓄晚香西園松竹下早設竹方床

大牘新鈔

林堯英

莆田林堯英官戶部主事名列長安十子中已未以鴈

詞徵五七古拔奇於韓全集外間罕覩有七八篇附見
宋尚書西陂類稿田侍郎古歡堂集和田綸霞移居詩
云曉碾霜屑推笨車先生借地今何家街西綠垣乍墜
聖隣人稍聚如麀麇又聞寒榮好慈竹兩行疎柳同排
衙窓壁冰油累藤角勁風錯迕迴帷斜指麾局室設麀
几別置土簪藏松花香緘綵撐足鉛藥秦皮墨蹟青於
鴉官閣有時召詩客斫鮮擊鼓周摻撾投我任吟發逸
響五十組瑟撫靈媧又田郎改築懸櫟車索綯葺葵同
山家南榮兩廂立短柵萍可飼鶴莎飼麀借問何以得
幽曠水曹無事休朝衙西望香山隔牆角千尖萬尖雪
袂斜遂摹清景寄寒竹破眼艷艷叢節花君才十倍所

驚衆坐飛虎僕揮青鴉我如江鼓久喑啞手無蜀木寧
堪搗讀君新詩鍊山骨直窮天巧追皇媧通惠河秋汎
圖歌云田子爾能歎吐的突之飛流骨格蕭爽誰與儔
水關甃石縛亭子頗似張融岸上舟昨日戎戎山雨來
登高辜負冥鴻秋晨朝風色霽更好折簡報我東河遊
紅螺爲盞沙棠楫紫英黃叢置兩頭此地泝瀨數尺許
老蛟亦或潛深湫須臾上客驅驂出銀匱錦帕紛相糾
與臺邁走卽揮汗榜人牽挽驚哀喉五閘迸開洑蕩蕩
掩底下瀉如圖鷗世間樂事那有此觀者摩肩提新簪
兩岸老樹霜拳打鳥飛不救落楓攔平頭行觴酒將半
河干容裔揚棹謳賀老琵琶李暮笛鳩鵲翡翠聲啁啾

各言樂極不可又閃忽側枕檣烏收憶爾昔刺湖心艇
蓴絲卷葉凝脂柔對茲六橋渺在眼宗炳動操良悠悠
西吳郁生亦好手鼠鬚貌得壑與邱圖成癩飲臥其下
衆岫倒侵林塘幽讀雙江唱和集作云屋背神鵲喧晴
朝石根老栢垂勁條望子晨星久落落忽喜稅鞅塵聲
消左停鞭弭右韃屬有若迸水迴赤蛟竹寮炯炯好圍
坐時牧仲同阮亭賣菴滿亭自言清興窮遊遨虔州二
月春如海雜花結幃簾抽苞更躡鬱孤臺眺聽崩雲千
丈迎飛潮砰訇雷鼓日奔吼崆峒天竺疑動搖城南官
閣靜無事不辭佳客頻招邀共剪谿藤命虎僕江風吹
字成青帝勸我經游已十載螺亭入夢真湫漻把君

卷轉自失恨無傑句留山椒投以小詩當杜舉徑須痛
飲訶陵醪送田子綸郎中歸省云霜信折綿江有蕖筠
床唧唧蛙孫織司水大夫賢且廉枵棟之材搜與枘上
直臣雯泰郎潛苑豕泉桑波俱霑歲在丁巳丹地瞻青
蛺硯窪鱗角拈移司邦計權度兼念彼杼柚空窮檐天
子申令光炎炎曹職甫拜非久淹敢曰懷歸耽退恬小
臣有母旬又添倚門而望箸筴占曷月曷日將釜鬻千
言疏入感宸嚴詔許歸寧復何嫌崇文門外出宿僉紫
螯菊酒聊厭厭子實攻我心曲店比飛毛羽如鵲鵲赤
豹屬裘袪可摻貽子五色冰蠶縑旋奉板輿資帷幃白
魚錦羹和吳鹽堂下屢舞搖初暹神房嶽頂明勾鈐人

道約純天益謙方今土木罷無快東南脆麝猶未殲母
也寧只良辰詹水衡早待紆間闔詩陰

林麟焄

康熙甲子莆田林舍人玉璫使琉球歸有竹枝詞一卷
出以示予爲錄數篇用誌本朝文物之盛云手持龍節
渡滄溟璀璨宸章護百靈清比胡威臣所切觀風先到
邨金亭徐福當年採藥餘傳聞島上予孫居每逢升服
蘭開問欲乞羸秦未火書日斜沙市趁虛多村婦青筐
藉綠莎莫惜籌花無酒盞人歸買得小紅螺匹練明河
牛斗橫蓼蓼衙鼓欲三更思鄉坐擁黃袖被靜聽盤窗
蜺蜴聲三十六峰瀛海環怒潮日夜響潺湲樓西一

青林裏露出烟蘿馬齒山射獵山頭望海雲割鮮搗酒
醉斜曛紙錢挂道松楸老知是歡斯部落墳心齋生白
室能虛棐几焚香把道書讀罷憑闌笑幽獨藤牆西角
對棕櫚廟門斜映虹橋路海鳥高巢古栢枝自是島夷
知向學三閭瓦屋祀宣尼王居山第兔園開松楸攬花
倚石栽多少從官思授簡不知若個是鄒枚奉神門內
列鵷行乞把天書鎮大荒喚取金滕開舊詔侏儸感泣
說先皇閼宮薨桷歷山原將享今看幾葉孫二十七王
禮祀在釐圭錫鹵見君恩諱章曾記荏苒都夷槃木白狼
歸漢時何似島王懷聖德工歌三拜鹿鳴詩宗臣清俊
好兒郎學畫宮眉十樣粧翹袖招要小垂手簪花研帽

舞山香望仙樓閣倚崔嵬日看銀山十二回笙鶴綵雲
飛咫尺不教弱水隔蓬萊纖腰馬上側乘騎草圈銀釵
折柳枝連臂哀歌上靈曲月明齊養女君祠久稽異域
歲將徂自笑流連似賈胡三老亦知歸意速時時風色
相桐烏林康熙庚戌進士與林同使者爲汪檢討舟次
別選中山沿革志若干卷進呈御覽二君皆予門人也

池北
偶談

門人林石來麟煥莆田人康熙庚戌進士自禮部郎中
督學貴州其王巖詩集予爲序之閩舊無牡丹惟瑤山
獨有數本石來題詩云催放鼠姑花信風錦茵銀燭照
野紅何當瀟月慈恩寺傳徧新詞到六宮品題國色總

尋常姚魏爭誇壓衆芳不是宜和翻舊譜何人解賞文

真黃

漁洋詩話

孫壩字艾庵浙人爲福寧總兵官吳萬福客閩逆叛於福州以書招諸大帥撥力勸吳公斬其使絕之發兵拒守而賊兵巷至吳公死之壩從死林舍人石來有詩用之二云誓師幕府勸移兵青史應傳慷慨名死節千秋比袁粲肯教人笑褚淵生

池北偶談

琉球天王寺有僧號瘦梅道人賦七夕詩云陶公簾外赤龍下漢武殿前青鳥來又萬松院僧不羈有詩云黃葉落三徑白雲歸數峰予門人汪翰林舟次林舍人石來康熙癸亥奉使其國見之石來有詩云瘦梅道者人

不識梵夾吟題聳兩肩賦得赤龍青鳥句樊南甲乙可
同傳浮屠亦有不羈人祗樹蕭蕭絕世塵唐體詩中風
格好白雲黃葉闢清新

池北偶談

莊振徽

莊振徽字世慎福清人登木末亭云最喜凌虛勢風高
爽氣清秋光千里盡雲影亂峰生木落舒寒色亭空納
遠聲呼朋相坐笑無限碧江情

裕陰詩話

魏憲

魏憲字惟度福清人撰本朝百家詩選同友宿白雲洞
云白雲留一宿同聽海潮音漁火空江亂鐘聲隔院沉
烟光浮半榻夜氣結層陰忽嘆松間鶴能清夢裡心

詩話

周嬰

周嬰字方叔莆田人撰卮林十卷援據該博偶記其數
條可資詩話者如石尤風引元相詩罔象睢眚頻逞怪
石尤翻動忽成災義山古意詩去夢隨川后來風竚石
鄒以石鄒對川后蓋奇相飛廉之屬又古咄咄歌棗適
今日賜誰當仰視之引方言云賜盡也潘岳西征賦若
循環之無賜維摩詰經如來鉢飯悉飽衆會猶故不賜
太平廣記引啓顏錄山東人謂盡爲賜是也又光明經
食已飽足飯不消渴渴與賜同予按集韻餽盡也見釋
典渴洩水門南史有石渴杼山詩應思石渴訪春泉石

湯清心督不云盡義又楊用修曰唐人云君苗無姓宛
委餘編曰君苗姓應瑒之從弟見文選注非也按陸雲
與兄平原書云前作登臺賦極未能成而崔君苗作之
又云君苗作愁霖賦極佳見兄文輒云欲燒筆硯曹志
苗之婦公其婦與兒皆能作文頃借其釋詢二十七卷
當百餘紙寫之則君苗清河族也休璉與二陸相距且
百年其從弟安得尚存復修少年鉛槧事耶又高似孫
緯略金樓子云劉子玄爲水仙花賦時人謂不減洛神
子固不敢望知幾云云按金樓子梁元帝也劉子玄知
幾也知幾在證聖中作史通二十卷後以名類玄宗
名子玄在元帝後百餘年矣御覽引金樓子云劉休玄

爲水仙賦云云是南宋南平王鏐也水仙乃水土神女
陶弘景亦有賦高氏以休立爲子立以水仙爲花名豈
不謬歟此類數十條皆足解顧胡元瑞陳海伯作正楊肇
叢等書以駁用修方叔作廣陳諗胡尤爲楊氏功臣予
按以休立爲子立正如書家以劉德升爲景升也池北偶談
北齊房君豹有山池在歷城叅軍尹孝逸將還鄴詞人
餞宿於此自爲詩曰風淪歷城水月倚華山樹時人以
比謝氏此自北齊詩詩數誤作中唐且說華山爲華陽
方叔正之是矣至云猿啼洞庭樹人在木蘭舟句格近
六朝而方叔疵之謂是晚唐面目則謬甚吳郡皇甫少
玄百泉兄弟論詩以此二語爲五言極則藝苑流傳焉

可誣也

池北偶談

諸國樞

諸邦協宇克一綏安人康熙壬子孝廉耿逆變聞挈家人十四口竄跡邑西鄉石窠砦砦去城六十里丙辰冬王師下延平賊弟耿三率潰卒萬餘人由間道適江右抵石窠砦下索牛酒爲犒砦中人不與且罵之賊怒攻砦火礮並舉砦焚無一人免者克一闔門燼焉族人順昌司訓國樞畏以詩云二年抗節萬山行密箚深林母子並誰遺多生逢浩劫正教一死重科名闔門皆決刻探嶺枯骨灰飛夜請兵青草年年寒食路招魂惟有杜鵑聲國樞字在紫有青山別墅藏稿五言有草荒蕭寺

路人倚夕陽樓七言有天空晴送羣峰翠野曠寒生落

葉愁句

榕陰詩話

李光地

安溪相國詩不多作深得晉魏之遺戊辰正月疏請侍
養遊成雲洞用朱子登蘆峰韵云溪深樵路微峰迴面
勢盡涉亂渡雜沓探崖窮攀引邨火蔽烟樹居然成巽
吟寒篠釣沙黃奇石削山磷霽色限霜颺清聲絕聶屨
昔我營茲村高天風雪緊修途節又弭直運步方窘白
日照歸鳥和風罷征隼况是月邊書取次浮名混有願
劇金芝無心聯玉筍一諾在山靈皇肯爲微允八風正
鳴條四節時在蠢冠童真五六日暮命歸軫

榕陰詩話

某近選詩必篇中有緣故方存不然雖做得好無關於人讀了亦醞釀不出甚好意思來如此選擇自漢至宋不過三百餘首但觀論語中興觀羣怨及無以立專對四方達於政事正牆面而立等語可見聖人刪詩都是要有實濟杜詩細加選擇尚存五十餘首李詩却是一種仙氣都無收煞絕無吉凶與民同患一段意思工部見元結兩首詩就那樣傾倒送朋友之官皆拳拳以忠君愛國爲囑忠告善道秀太白可比

塔村語錄

選詩自應從蘇李起而以蘇冠卽其詩亦當冠首骨肉緣枝葉結交亦有因二句便足蔽詩之義言骨肉固同根共命卽結交之友亦非無因天下大矣何獨這幾人

該做朋友蓋或意氣相投或德業相勸卽唐虞之五臣

周之十衛孔子之七十二弟子皆是有因者也首句可

該父子兄弟夫婦次句可該君臣朋友意味深厚

榕村語錄

陶淵明詩有杜韓不能到處其語氣似未說明義蘊實

已包涵在內如羲農去我久一首識見超出尋常自秦

漢來黃老盛行都說聖賢以禮樂詩書教得人亦僞叢

生此詩却說汲汲魯中叟彌縫使其淳黃老之說如言

人元氣本足却被後來飲食藥餌戕賊生命不知陰陽

之氣自初而盛而老知識開後人事錯雜嗜欲紛起亦

理勢之自然所以用飲食藥餌者正欲保固其先天元

氣也鳳鳥雖不至到底禮樂一新自仲尼沒而微言絕

七十子亡而大義垂老莊之學果兆焚坑之禍不知詩書所以明民非愚民也何罪而至此漢之伏生孔安國輩敦勤辛苦存此六籍如何至今又不以此爲事終日馳驅於名利之場不見有問津於此者下遂一筆溜到飲酒上去謂我若不快飲尤而效之豈不負此儒巾乎其溜到酒者彼何等時元亮尚敢講學立教自標榜耶但恨多謬誤君當恕酒人又謙得有意思謂吾之行事謬誤於詩書禮樂者麴蘖之托而皆冥之逃非得已也謝靈運鮑明遠之徒稍見才華無一免者可以觀矣

搭村

語錄

老杜詩說安內攘外都有幾句好說話老馬夜知道蒼

鷹饑著人便是用兵要語知道形勢經過戰場者所謂
老馬選將之法也至於卒伍不過飲食勞苦體恤頒給
他便爲用如鷹饑則就食飽則颺去此使卒之要也顧
寧人說經書後有幾部書可以治天下前漢書其一杜
詩其一也

情村
語錄

文物多師古朝廷半老儒直辭寧戮辱賢路不崎嶇極
有意味如風塵三尺劍社稷一戎衣何嘗不好然漢高
祖豈不如此至此四句却是貞觀致治之根道得出太
宗擅長處當時承宇文之後文物獨盛而十八學士之
屬半於朝廷然不聽其言雖多奚爲若後進無人亦非
長治之道詩家誰見到此然使入宋人口中便直而淺

薄其妙在朴而雅朝廷半老儒似不成語却造句甚古

有斷華反朴之意

榕村語錄

韓詩溫柔敦厚纏綿悱惻不如工部然如所云春秋書王法不誅其人身則工部有不及者蓋春秋立義之最
大處懼亂賊者懼後世之亂賊也若本人之身已爲亂
賊尚何畏於死後之誅此等實說著深微千古不刊榕村語錄

李光坡

李光坡茂夫安溪相國介弟隱居不仕潛心經學著三
禮述注仁廟賜聯云道通月窟天根裏人在清臬白石
間亦榮遇也詩如白沙定山家塾旣集用昌黎符讀書

城南韵云今日家塾立諸子念權輿先人勤何爲望世
有詩書謀道及謀食均要在心虛虛必且立志聖賢同
此初低首腐爛義所滋皆蕭間試思宇宙間頂立何不
如聰明在生質理道在爾魚從頭讀到尾究竟莫密疎
看來又認去意味得疎渠自然涉筆好糞壤讓孤緒疾
惡不可恃金烏與玉蟾冬寧堙回尸寢豈恤蚊蛆但有
無事頃趨程莫懷居爭此陰陽候安不超詣歟跂立與
跨行不如分寸儲日計雖不足歲計自有餘一張時一
弛亦莫禁切且不見南陽公長嘯於揮鋤不見關中賢
閒居喜聞驢此誠得道趣餘外勿蓄蓄達觀屈伸際造
物有乘除何人揣摩成而不曳朝裾誰附青雲士而不

盛聲譽沉船破釜濟棄死霸趙墟莫言時與命通塞自
卷舒欲致明水火先齊燧共諸祖德方照茂善刀待躊
躇

榕陰
詩話

彭鵬

足下以非常之人膺非常之遇粵西已被深仁粵東又
入大造一時岳牧四君子以莆田爲首稱良可健羨前
奉贈拙句云猗蹤已致層霄上羣望方殷末路中竊自
比於他山及讀尊札有句桂性歲增惟老辣葵心晨發
卽朝陽媿我饒舌矣

西坡
文畧

毛鳴岐

南中有相思子卽紅豆一苞兩實古詩所謂紅豆最相

思是也若建寧相思鳥則雄雌二小鳥朱脣綠羽謂以綵翠碎語唧唧同效而居假開樊放其一初亦所然則去既卽復來稍或鍵閉則啄鍵求入萬不爽一舊傳放雄而留雌則然若放雌則否因競一女之無良與男之蚩蚩小物可驗及閩中林偉親買二鳥驗其然否則雄雌並然然後知從前之言皆輕薄無賴厚誣閨中非實錄也家明府文山有相思鳥詩四章其一云頃刻離還合無分誰與雌散拋紅豆子何處不相思此真能解嘲者頃刻無分對仗甚巧何處一作若箇亦佳

西河詩話

傅從龍

傅從龍閩良家子幼隨仁和縣令張玉甲張延趙驪淵

於幕傳方十齡爲伴讀學詩能盡張去任趙乞得之依
倚貧約無嫌忽康熙己酉趙登賢書北上路至德州趙
病垂危傳泥首嶽神搥鼓請代時廟方演劇聚千萬人
皆爲泣下旣而趙病漸已傳不三日而歿趙痛甚携其
柩附糧艘歸題曰義旅傳從龍墓不敢以僕從視也傳
有詩云岸低因水濶山小帶雲平頗有致惜遺集不傳
曠園雜志

施世綸

晉江施世綸南堂先生歷官漕督清名著天下南堂詩
鈔二十卷如璞玉輝春蟬珠浴月琅然可誦尤工五言
詩中有愛山移舫對隔水問花多岸尖潛魚躍沙更宿

鳥飛看雲生，礪戶聽雨過。經樓孤城侵海角，銅柱出天涯。
飛花懸隙網，行雀上空階。風塵雖近市，心跡喜多閒。
海氣連吳越，秋聲入鼓鼙。水氣涼疑雨，松聲瀉似濤。等
警句擬之姚少監，鄭都官當不媿也。子廷龍官禮部郎
中，余僚壻也。曾舉南堂全集見贈。蓮坡詩話

張遠

張遠字超然，侯官人。少孤，從母氏受章句，輒了了。稍長，
遂貫串經書大義，下筆有奇氣。時海氛未靖，軍需旁午，
諸長吏率以箕歛爲事。戶有逋亡，則瓜蔓及親黨先生，
以孱弱孤童，猝罹此厄，乃急裝作亡命計。吳楚百粵萍
踪無定處，中遭逆籓煽亂，道路梗塞，蓋音書不達者數

年比事平返里母夫人已棄世先生亦遂含酸茹痛窮人無歸琴劍飄然不復作枌榆想矣既慕琴川虞山之勝從卜宅焉居久之乃以上舍生領己卯科鄉薦第一晚得滇之祿豐令卒於官方先生之跳身出關也身不名一錢顧獨挈數書簾以去雞聲卯店雪浪風飄千里間關未嘗輟鉛槧弗事偶道出西江題詩滕王閣上適曹秋岳侍郎持節過此大加激賞亟招入芙蓉幕所至爲延譽一日而詩名滿長安漁洋綿津二公尤深器重皆引之爲入室弟子楊雄更有河東賦惟待吹噓送上天巖穴之士所由願附青雲而聲施後世也

本朝詩鈔小傳

張遠字超然聞縣人領康熙己卯鄉薦第一遊京師舉

竹垞初白諸人唱和甚富有集梓行初嘗挾策遊四方
未有所遇登滕王閣題詩云高閣登臨此大觀四山對
面壓龍盤豈無詞賦驚閭帥已把文章讓子安人世百
年風浩浩長江千古水漫漫南州高士今誰是有客斜
陽獨倚闌一達官嗟賞爲之延譽詩各遂振其詠松濤
有月明何處雨風定數聲鐘亦佳句也

榕陰
詩話

劉坊

五月晦日蛟川齋中得鼇石寄詩代柬止記丙戌春季
歲月不及其所寄之地憶癸酉因先君子被難之京師
遇鼇石於季野叔祖寓舍與之談如故交者每索予沽
火酒飲醉狂叫曰吾可以不娶哉吾先人死於忠其爲

若敖氏之鬼耶後數年以彈射鉅公詩文忌才者乘機煽禍叔祖暨授一叔父謀之姜西溟先生密令南還適陳莘學知漳浦去鼇石上杭家不遠持予書往謁陳竭厯贈以娶資比辛巳再被難從西安歸東行至華陰忽有呼萬萬萬而西者回顧則鼇石也下馬道近狀依然未娶叩其所贈曰予與之人矣蓋其爲人不通世故亦不知物力之艱難視所爲詩天下莫已若天下固鮮有若者夫與余交八九年猝遇焉則忘其字見人之急傾囊與之竟忘其身之未娶卽今隔絕五六年不寄書而寄詩又不及身在何所其天機可知已嗟乎鼇石世之欲殺之者多矣別來所閱之人所歷之地更不知其幾

大抵率性而行不復遇有漳浦君者詩曰我爲鬼揄頻
躑躅蓋爲此耶獨是鰲石廿年閱歷不爲不久乃云近
日金臺多士聚可能復作帝京游是不但不通世故且
不知予予能爲金臺中人物鰲石又何貴有予又何敢
交於予而憶之千里萬里之外意者念吾親憂患餘生
無以爲養勸予貶損其節而爲之耶而吾親亡矣隱几
涕泣者久之答詩成復不知將寄何所米雪集

林佺

前百年而居是坊後百年而官是郎逮百年而卜是藏
鳳兮鳳兮吾與汝相將鹿泉叟銘鳳硯林氏世居郡城
鳳池坊而先塋聚葬城北五鳳山鹿原先生官鳳凰池

者十一年鳳兮鳳兮未鳴國家之盛幾疑德衰矣予爲
轉一語曰池上於今有鳳毛也田生甸書佳句曾標政
事堂我來何處乞青囊眼中人與懷中璧如對先生眉
髮光句山陳兆崙題

錄史

依吾身者將及紀從吾遊者萬餘里相予書者億萬字
是宜策勲酌吾子乙未四月之朔鹿原銘於警露軒按
銘者名也銘器以自警也商盤周鼎爲銘本義周寧王
中劔諸製乃後人僞作春秋衛大夫禮至滅邢自紀其
功與孔悝讒鼎又割爲銘勲之體班孟之勒燕然張孟
陽之摩劍閣由此其選也故知銘辭有體合作爲難後
世雕鏤撰刻皆失本意讀鹿原舅氏此製精深古奧蘊

藉風流子銘體尤宛合古文老手非餘子所敢望應推
壓卷乾隆己未重陽日甥道承重觀並題

硯史

硯史

余甸

蜀宮瓦銅綠色尤可愛白者石灰漿受日月雨露之精
華寶色射人三百餘年舊物也甲午秋入試院與江津
令余甸田生行斷垣中得此田生詩絕代繁華地深秋
細雨天宮門餘片瓦不忍憶當年隸書刻之亦可作硯
但出自沙土耳有以翰林院編修視學蜀中者諸生金
盡飾此相餉詭云不知何代所遺編修公以少見而受
之厥後悲甚分授同官閔佩云

遼州聞見錄

直方溫栗能客受此款此製得未有端溪一片毒花雲

飛來燕市落吾手壬寅孟冬月幾望客京城見此研於
小市以二百四十錢購歸口占題識

硯史

他山半畝佃秋烟琢得方形井地連自笑不會持一硯
留將片石當公田余視端州八閱月未嘗得一硯其冬
端之人伐東西巖羣採取焉因餽片石予製井田硯並
系以詩記於其上華旧任霞光片片罩輕烟崖別東西
短劍連自是天公憐傲吏硯材假手遺華田田生次韻

硯史

許片

端溪璞玉夜珠色採向驪龍領下得吳趨嬌女女嫺手
煉石如泥工翦刻蚌形琢出月初圓秋水澄江鍊一幅

案傍亦有玉蟾蜍對此垂涎敢吞蝕鏤肝刻腎玉川子
箋奏天公枉費墨何如研露寫烏絲翠袖佳人勤拂拭
壬寅九月九日雪邨居士題余與雪邨同館閣者三年
每敝車羸馬聯轡看天壇牡丹豐臺芍藥月夕花朝無
勝不與內子廖則來齋舅氏女也詩翰繪事色色精工
魏國趙管未多讓也雍正丙午臘月大雪予過訪雪邨
圍爐擁酒掃梅花大幅雪邨發餘表姊氏圍花筆墨清
潤極閨房之韵事詩所云滴露烏絲翠袖拂拭予皆目
覩其事茲歲薄宦京師故人長謝回想曩年文酒縱談
日斜燈地時有如隔世已未九月二日與涪雲五弟夜
坐守餅齋談都門舊話展冊題記古梅道承

硯史

謝道承

謝編修道承字又紹別號古梅閩縣人釋褐後謁文廟賦詩云六經原不爲科名爵判天人在此行今日瓣香分獻後驅車歸去自分明

搭陰詩話

光祿林氏昆季六人與予皆以文章相契中表情踰手足情農二兄與予同修省志晨夕相見者三年余壽情農詩有退去殘毫真似嶽吞來名酒可如淮之句情農詩宗韓孟小行書蕭疎淡拖真逸品也乾隆丙辰旅櫬歸吳閬茗碗詩瓢此緣難續閱銘硯作如見老頰微頰拈花甕口時也古梅道承

硯史

秋宵不寐重讀莘田題硯諸製愴然有懷口占二絕句

寄意遍踏蠻溪琬琰空詩人筆墨尚能熊文昌樂府三
千首誰爲修書李浙東牂牁一葉下閩江十硯蕭然鎖
夜牕起別秋缸拜東野寒風襲襲影幢幢乾隆己未秋
九月旣望道承題 硯史

古梅于詩文不肯輕作余則不憚自銜且以先人窀穸
未卜徑欲棄此一官歸營塋事師友親戚愛而見阻此
中鬱勃不能自遂因而有觸輒吟有吟則非君無與語
者君則似爲留行似爲勸駕記其和予冬至感懷有云
令節異鄉愁裡過微名他日史中求 袁渠賈傳支離甚
猶勸靈均相九州友朋肝膈之意自可於言外得之 虹劍

稿

吳文煥

吳文煥字觀侯一字劍虹長樂人其先世已居會城而身猶占縣籍甲午舉於鄉辛丑第二人及第旋假歸家食者久之再入史館改部曹除御史以病乞休今林居又三年矣劍虹落拓不羈喜讀書性尤耽酒一月曾不得數日醒土木形骸似無意於當世務者然當夫酒酣耳熱奮袖起舞或泣或歌輒發洩其胸中之塊壘殆亦阮仲容石曼卿之流亞也詩最豪爽大致于蘇陸爲近吾鄉比戶能吟頌羣奉林膳部高典籍爲鼻祖聲調圓融十手如一如所稱晉安風雅者是已劍虹辭而闕之獨標雅健盤空硬語傑出於柔筋脆骨之間雄雞一聲

天下白田未易爲一二俗人言也劍虹曾有句一欲覓
相知定文者近來沈韵比江花蓋指同里江鶴熙暨同
年沈珊友而言茲余有採詩之役輒就篋衍所藏選錄
得數十首竊自比於江沈之列樽酒論文則更俟之異

日本朝詩
鈔小傳

周紹龍

江淹彩筆邱遲錦夢境流傳是也非我有端溪硯付汝
管教才思競春暉癸丑二月瑞峯題付履藏袖裏青天
劃翠微海山歸去是耶非晚年購宅渾閒事留取三峯
與阿暉右次同年周瑞峰京兆韻並東謙亭世講金壇
于振硯史

端溪初割紫雲堆望裏森森玉筍開恰似江郎山下過
三峯我竟袖之來康熙庚子四月紹龍題瑞峯二兄丁
酉秋過江郎山題壁上有三峯我欲袖之去留補青天
煉五雲句予辛丑過斯地戲署其尾曰氣壓諸山雨下
坡欲吞雲海靜風波補天自有金針在還厭三峯袖裏
多今二十餘年矣瑞峯補天纔露一斑而卽云亡予潦
倒無成彌增媿悔茲讀銘詞回思昔年意氣之盛磊落
英多如尋舊夢爲之慨然蒼巖林正青識 硯史

黃任

黃任字子莘又字莘田永福人居會城之光祿坊弱冠
舉於鄉屢上春官不第匆匆捧檄得粵之四會令莘田

故名士無醒觀俗吏態坐是爲上官所不喜効其縱情
詩酒不治事拂衣歸里宦橐蕭然惟端坑石數枚詩束
兩牛腰而已所居矮屋三楹花竹秀野圖史縱橫飲饌
裙屐間具有雅人深致最工詩菁莪韶濩務去陳言又
不墮澁體與秀水朱昆田高郵李百藥同其標格閩人
戶能爲詩彬彬風雅顧習于晉安一派磨礪沙盪以聲
律圓穩爲宗守林膳部高典籍之論若金科玉律凜不
敢犯幾于團扇家家畫放翁矣莘田逸出其間聰明淨
冰雪欲語羞雷同可稱豪傑之士其艷體尤擅場細膩
溫柔感均頑豔所傳秋江集香草箋諸作傳閩林前輩
謂其實有所指擬諸玉溪之賦錦瑟元九之憶雙文杜

書記之作青樓薄倖楚雨含情殆詩家之賦而興也然
昔賢謂知楚志翻著襪法始可作無題詩知九方歎相
馬法始可讀無題詩東坡詩云多生綺語磨不盡尚有
宛轉詩人情夫詩人之情亦何所紀極哉出之宛轉蘊
之遙深可以廣騷可以泰禪慧業文人吾于莘田首屈
一指矣

本朝詩
鈔小傳

黃任字莘田永福人壬午鄉貢官四會令罷歸家居食
貧僦屋委巷七絕秀韻獨出兼饒逸氣較諸體尤爲擅
場泰安道中示巖巖典則魯千峰玉檢金泥拜秩宗七
十二君銷歇盡夕陽驢背話東封侶條冶葉拂瓏璫帽
衫硬絲困午風十里棗花香不斷行人五月出東蒙

陵石蹟六際會風雲未足步台又下

後

小韓彭將不得銘旌一字看夢游仙云霧縠冰絲幅幅
存故香猶染舊帷痕綵鸞歸去文簫別徹夜西風寫韻
軒七里瀧云終日嵐光濕畫幢有時松露滴蓬牕一聲
櫓板千巖響知在諸峯未出瀧孟家堰云草店危扶老
樹腰江頭沽酒布旗招一帆細雨西興渡正趁錢塘未
落潮

榕陰
詩話

莘田豐髯秀目工書法好賓客詠嘲談笑一座盡傾罷
官歸里甕裝惟端坑石數枚詩束兩牛腰而已侍兒金
櫻明艷絕世妙解文翰兼工絲竹是其千金所購酒間
子遜舉其夜來香絕句云知隔絳紗帷暗坐謝孃頭上

全閩詩話

卷九

罕

詩話

過來香風致固自不淺

懔陰詩話

余以雲月硯寄泰安公公爲鐫銘揭一紙寄示賦詩四首奉呈幾年修齊屬吳剛帶得螢烟上玉堂一握忽生雲五色蓬萊新署兩三行三洞驚傳煥紫泥亦分典策到端溪丁丁宮漏絲綸筆特爲寒巖一品題嘉名偶合在平津應象天章信有神得作西園結隣客勝他東府掃門人巖穴何緣到玉除十年曾此伴窮居但將膚寸供霖雨不上昌黎宰相書黃任

視史

一寸干將切紫泥專諸門巷日初西如何軋軋鳴機手割遍端州十里溪余北石出入懷袖將十年今春携入吳吳門顧二娘見而悅之爲製斯硯余喜其藝之精而

感其意之篤爲詩以贈並勒於硯陰俾後之傳者有所
考焉顧家於專諸舊里淡淡梨花黯黯香芳名誰遣勒
詞場明珠七字端溪吏樂府千秋顧二娘誰傾幾滴梨
花雨一灑泉臺顧二娘萃田句也哀感頑艷能移我情
故作斷句美之勾山兆崙筆

硯史

萃田有硯癖自號十硯先生集中詠硯詩最多俱泠然
可誦其自題青花硯云雨暗鈴羊半壁昏何年浸著紫
雲根野夫割去山窓玩認得蠻溪舊漲痕汝是端人質
有文相將致雨更興雲而今護落持無用只寫羊欣白
練褰又贈友人硯云秋水泠泠浸一泓下巖西洞第三
層與君細膩風光寫麗澤如斯得未曾白石青花出水

鮮粿羊峽口晚生烟紫雲一片剛如掌待染山陰九萬

箋吳中林別駕作歌贈之云十硯先生淡無欲作官不

戀五斗粟歸來微投黃菊花俗塵不敢閒相觸叩門惟

有陳

學圃趙明太史

予城北徐公

雲

交倍篤室中更喜吟伴

多饑來頓頓餐珠玉硯癖不顧千金讎詩成自謂萬事

足今春見我絕糧詩大笑謂我未免俗相別先生二十

日近狀直登高士錄聞有陽翟大賈人推轂先生造門

數先生堅臥竟不起謂此衡茅不足辱賈人歸望長者

車寄聲無事苦蹉跎囊中自有千黃金可爲先生具驢

齏先生笑謂我不貧明月清風皆我屬田荒偏喜令戚

瘦水宿

且給陶淵潛

三山作隣

年年眉黛

年年眉黛

綠此身一落阿堵中人山恐愧紅躑躅春風春雨日杜
門把筆自譜遊仙曲

格陰
詩話

莘田跋余紀行詩後云辛苦爲郎君所知惟君志業古
人期從今不寫閒風月多賦春陵數韵詩

紀行
詩箋

郭雍

郭雍字仲穆一字書禪福清人僑居會城康熙癸巳舉
人少卽工詩最後乃出一帙問世而謂其友人曰吾前
後作詩不下千篇今存其畧成章法者得律詩絕句若
千古古風歌行僅留一二樂府絕無所解請俟十年後
別有窺竽乃敢議及夫書禪之於詩伐毛洗髓幾三十
年其用功不可謂不深而其言若此則信乎寸心得失

如飲水者之冷暖自知正復索解人不得也吾鄉自林
松址前輩雄踞詞壇鏡意學杜獨標少谷空同爲從入
之門徑後進靡然從風鹵莽相豪無復雅人深致書禪
謝絕流品因心師古纖毫塵垢不以涸其筆端上焉者
淡遠精微步趨王孟次亦刻露清新不失賈長江姚武
功家法竹垞太史所云如食袁家梨止渴雖爽而不伐
性如水精鹽進酒雖薄亦能醉人者矜矜約約庶幾惟
肖可謂鶴立雞羣而不隨人作計者也書禪素清羸畏
寒特甚每涼風始戒卽重繭襲裘圍爐墜戶所以調護
者甚至故自癸巳以後心怯北地風霜絕不赴禮闈試
迨雍正元年九月特開恩科則大喜襍被過征五月過

嶺伏雨炎風舟車委頓竟弱病姑蘇以死豈非豹養其
內而虎食其外毅養其外而病攻其內有非意計所得
料者哉尻輪神馬蟲臂鼠肝游于物之所不得遜而皆
存斯所稱達生之旨矣

本朝詩
鈔小傳

郭雍字仲牧福清人康熙癸巳舉於鄉工詩古體學陶
近體宗王孟五言尤稱長城有約園集行世書法規摹
鍾王人亦高潔拔俗讀衛霍傳云募士三河盡從軍五
幕悲草沉天馬骨車壓漢臣脂責薄摧飛將逼侯到小
兒武皇方好戰正是奉恩時嫖姚真壯士年少喜奇功
拔櫟天驕幕飛書漢王宮老駝蹲積雪驚旆裂悲風王
將方談篋羽裘蹴鞠中登于山云聊復登高去仙臺一

放歌夕陽山外盡疎雨鳥邊多秋色老如北流年傷若

何蓬山不可接江月落松蘿

俗陰詩話

陳純

陳純字驥仲閩縣人有詩名久遊京師一中副車不遇
而反詩多激楚之音題太白酒樓云我亦江南客徘徊
濟水東江山殘照裏天地一樓中縱酒非無託工詩自
合窮千秋無賀監春日更飄蓬

俗陰詩話

范咸

正月元夜未字之女偷折人家花枝竹葉爲人詬詈謂
異日必得作婿范巡方咸有詩二截女郎元夜踏蒼苔
攀折青枝爰落梅底事含羞佯不采月明犬吠有人來

難將心事語人知
暗祝燈前有所思
爲是傾城顏色好
不教開到落花時

臺海見
開錄

番俗成婚後三日會親宴飲各婦艷粧赴集以手相挽
面相對舉身擺蕩以足下軒輕應之循環不斷爲兩匝
圓井形引聲高唱互相答和搖頭閉口備極媚態范巡
方有二絕句連臂相看笑踏歌陳詞道是感恩多劇憐
不似弓鞋影一曲春風奈若何妙相天魔學舞成垂肩
瓔珞太憨生分明卽是西番曲齊唱多羅作梵聲諸羅
周令鍾瑄有五絕蠻姬兩雨闌新粧蹀躞花陰學舞娘
珍重一天明月夜春來底事爲人忙不掄檀板不吹笙
一點鉦聲一隊行氣味何如初中酒山花翠羽鬢邊橫

聯翩把袖自歌呼別樣風流絕世無番調可知輸白雪
也應不似潑寒胡野氣森森欲曙天維摩新病未成眠
空餘無限羅伽女亂把天花散舞筵一曲蠻歌酒一卮
使君那惜醉淋漓但令風物開王會我欲從今學畫師

臺海見
聞錄

七里香木本花叢生如緋珠婆娑可愛五瓣色白香氣
濃郁能辟瘴氣所種之地蠅蚊不生一名瓊花又名瑤
花又名玉蕊又名山礬又名春桂范處方詩翠蓋團團
密葉藏繁花如雪帶幽芳分明天上三株樹散作人間
七里香丹桂婆娑猶入俗繡毬攢簇太郎當何如瓊島
嫣然秀采掇還傳辟瘴方又有六絕句唐昌玉蕊無踪

跡后土瓊花再見難官閣獨餘春桂影婆娑長得月中

看小葉荼蘼一丈餘花開五出襲瓊裾生憐青瑣無消

思白香山玉蕊花詩不緣啼鳥難覓吹簫紫鳳車張文

蕊詩五色雲中紫鳳瑤臺原不在人間素艷何來綠玉

鬟長見藥珠宮裡雪只緣地近補陀山聚仙也合依稀

似玉質濃香總不同欲向通明上封事彈文先斥妒花

風幸留七里香名在認取山礬為寫真寄語世人休聚

訟冰姿原不藉前塵灑壺合是洞仙家宴賞貪看玉樹

花賦罷新詩消受得春風何處七香車劉賓客玉蕊詩

花異香先引七香車臺海見聞錄

水仙花一本方六葉鮮芳絕倫粵東市上標臺灣水仙

花頭其實產白漳州及蘇州也范廸方有詩霓裳翠袖
剪吳綾烟霧輕籠弱不勝綽有風神凌海嶠憐他冷豔
斷春冰銀盤皎潔還疑雪金釵嬌嬈好試燈擬與梅花
同配食水仙王廟最相應

臺海見
聞錄

檳榔樹並無枝高一二丈皮類青桐節似筠葉如櫟竹
花淡黃白色朶朶連珠香芬襲人實若棗自初秋至孟
夏生生不絕與椰肉萋藤同蟬灰夾啖醉人如酒張廵
方有詩月類無端生酒肆朱唇那復吐脂香饑餐飽嚼
日百顆傾盡蠻州金錯囊范廸方詩南海嗜賓門

檳榔
一名

賓初嘗面覺溫苦饑如中酒得飽滿朝餐種必連椰子
功寧比稻孫漳鄉能已疾留得口脂痕

臺海見
聞錄

陳繩

五鳴雞一名五更雞大如鷓鴣雄者頂下有黑白文如太極圖每漏下一鼓卽鳴三五聲土番曰標標以其音相似也諸羅陳司訓繩有詩標標引唳自呼名太極平分似繪成二十五聲隨漏滴底須侵曉候雞鳴

臺海見聞錄

藍鼎元

藍鼎元漳浦拔貢生爲人倜儻負經濟才少日卽以文名壯歲往來海上從事諸節鎮幕府多所贊畫康熙季年提督施世驍之收復全臺也功第一鼎元實在行間相須如左右手用薦授廣州太守有臺灣近詠十首番俗夷情洞若觀火所謂坐而言起而可行者非若前代

詞人徒誇山川之瑰麗賦物產之珍奇已也詩曰東寧
大海荒從古無人至明末羣盜窩島夷互竊踞鄭氏奄
而有蔓延爲邊忌我皇撻伐張天威及魍魎遂使瘴癘
鄉文物漸昌熾川原靈秀開鬱勃不可閉式廓惟日增
蹙縮非長計

時有諸棄近山田廬禁入番界樵採

所當順自然疆理以時

議勿因去歲亂畏噎却飯餽一去歲羣醜張揚等三十

萬我旅一東征倒戈雲見睨七日復全臺壘篳匝地獻
可知帝德深望雲爭華面餘孽雖時有死灰謀欲煽旋
起卽撲除矣誰與爲叛當茲振鐸教化不容緩民心
原循水東西流乍變棄之疑而走理之忠以勸二臺俗
敵豪奢亂後風猶昨宴會中人產衣裘貴戚愕農情士

弗勤逐末趨驕惡器陵多健訟空際見樓閣無賤復無
責相將事撝博所當禁制嚴威信同鋒鏑勿謂我言迂
中心細付度爲火莫爲水救時之良藥三閩學追鄒魯
東寧昧如障當爲延名儒來茲開絳帳俾知道在邇尊
君與親上子孝及父慈友恭更廉讓從茲果力行誘掖
端趨向其次論文章經史爲醞釀古作秦漢前八家當
醞釀制義本儒先理明氣欲王洗伐去皮毛大雅是宗
匠此地文風靡起衰亦所望四臺地一年耕可餘七年
食寇亂罹風災民間更蕭索今歲大有秋倉儲補云急
叔貴慮民餓穀賤農亦惻厲禁久不弛乃利於奸墨徒
有過糴名其實竟何益估客旣空歸裏足此寥寂何如

捐節之一艘一百石窮年移不盡農商惠我德幸與諸
苗途從長一籌畫五粟粟何爲者西來偷渡人銀鐺雜
兵索一隊一酸辛嗟汝爲饑驅謂茲原隰的舟子任無
名拮据買要津寧知是偷渡登岸禍及身可恨在舟子
必死不足云汝道經鷺島稽察司馬門司馬有印照一
批爲良民汝愚乃至斯我欲淚沾巾哀哉此厲禁犯者
仍頻頻奸徒畏盤詰持照竟莫與茲法果息奸雖冤亦
宜勤如其或未必寧施法外仁六臺邑最徧小徵糧視
鳳諸土狹賦獨重民困曷以紓臺灣田一甲內地十畝
餘甲租八九石畝銀一錢輸將銀來比粟相去竟何如
納粟弊多端斗斛交相齟折色比時價加倍復何居

諸雖厚歛什百臺版圖墾多或報少以羨補不敷臺土
瘠無曠衝壓且偏枯安得相均勻丈輕三邑俱征牧同
內地含哺樂只且七郡東萬山裏形勝羅漢門其內開
平曠可容數十村雄踞通南北奸宄往來頻近以逋逃
藪議棄爲荆榛北地田土饒山木利斧斤移民遷產宅
兵之亦斷斷何如設屯戍守備爲遊巡左拊岡山背右
塞大武營旣清逸賊窟亦靖野番氛府治得屏障相需
若齒唇八諸羅千里縣內地一省同萬山倚天險諸港
大海通廣野渾無際民番各喁喁上呼下卽應往返彌
月終不爲分縣理其患將無窮南劃虎尾溪北踞大雞
籠設令居半線更添遊守戎健卒足一千分汛扼要衝

臺北不空虛全郡勢自雄晏海此上策猶豫誤乃公九
臺灣雖絕島半壁爲藩籬沿海六七省口岸密相依臺
安一方樂臺動天下疑未雨不綢繆侮予適噬臍或云
海外地無令人民滋有土此有人氣運不可羈民弱盜
將據盜起番亦悲荷蘭與日本眈眈共朶願王者大無
外何畏此繁蚩政教消頗僻千年拱京師

十赤散
章談

薛士玉

山欹街塵一闕清偶逢佳處便閒行野人入市惟看畫
活水在甕如沸笙徑可積苔容懶掃窓須厚紙莫貧明
謝郎瑣事君能說桃葉圖開笑歷生此予過薛士玉居
作也薛字端庭福清人居在鼇峰坊洒洒絕塵俗畫幅

東面臚陳匱董能作韻語時有理解領聯是其九日所
題稍足成之

榕陰詩話

張湄

臺俗婦女靚粧入市無肩輿以傘蒙首而行時伸時縮
以窺行人張巡方湄有詩云香耳碧幃厭紛紅擁蓋微
行擬鄂君一隊新粧相掩映紅蕖葉底避斜曛

臺海見聞錄

臺地閭里詬誶輒易構訟親到其家送檳榔數口即可

消怨釋忿張巡方詩睚眦小忿久難忘牙角頻爭雀鼠

傷一抹腮紅還舊好解紛惟有送檳榔

臺海見聞錄

番衆不知年月以穀熟爲一歲月圓爲一月嘗以藤絲

編爲毬曾杜衆爲蹴鞠之戲與鞦韆爲樂張巡方有詩

藤毬擲罷舞鞦韆世外嬉怡別有天月幾回圓禾幾熟

歲時頻換不知年

臺海見閩錄

七夕爲乞巧會家家設牲醴果品花粉之屬夜向簷前
祝七娘壽或曰魁星於是日生士子爲魁星會竟夕歡
飲張巡方有詩露重風輕七夕涼魁星高譙共稱觴幽

窓還聽喁喁語花果香燈祝七娘

臺海見閩錄

臺草木經歲不萎花開無節黃巡方云予仲冬按部至
斗六門見桃花方謝至笨港見人擎荷花數枝回署見
榴花照眼丁河峰歲除一聯迎年蓮菊猶芳奚但梅傳
春信綠歲瓜茄未老還同韭薦辛盤張巡方有詩少寒
多燠不霜天木葉長青花久妍真個四時皆似夏荷花

慶臘菊迎年

臺海見
聞錄

陳昂

陳昂字軒年候官諸生富才藻尤工駢麗之言少日爲
仇家告訐謫戍山左康熙末年遇赦放歸里縱游海上
多感懷弔古之作其詠僞鄭逸事詩云戰衄旋師返北
轅轉教航海闢乾坤金多舊借牛皮地水漲遙通鹿耳
門赤嵌城孤遺故壘紅夷援絕駐新屯何緣自比虬髯
客豈昧幾先讓太原片石能容百萬人天遺圖識應南
閩也知中國全歸漢妄托仙源可避秦荒嶼畚田登版
籍上酋番族雜流民開荒絕勝田橫島易世相傳尚不
臣荒遠羈栖幸弗誅敢通叛逆約齊驅漫勞蝸戰爭天

下先自鯨吞奪海隅三載相持誰得利兩雄交構待全
輸彼蒼藉手平南紀曠古新增一統圖昔年亡將濟時
才仰仗威靈涉險來地轉海鹹生淡水天回風颶起奔
雷官軍血戰滄波沸逆虜魂銷劫火灰澳嶼全收三十
六受降澎島戟門開

亦嶺
筆談

周某

建寧亦有淨慈寺寺濱溪結宇前爲放生池僧房蜂綴
林木窈窕方袍迎客沙彌送茗亦一大選佛場也壁有
雲散鐘聲出遠村之句是郡人周某題予愛其理致同
人約杞屬和王霖云靜夜蒲牢喧法界遙林松火閃漁
村王霖云潛鱗依穴初知夜倦羽衝烟亦識村陸秩云

近灘花石盤雙徑繞屋濃陰綠一村美詞秀致均能水
寒於水予以屬韻不諧煥墨而謝勉賡弱句爲不施之
檀呈慧首座裁之

榕陰
詩話

族子三才

族子三才字廷贊別號參亭侯官人爲弟子員有聲儀
封張相公撫閩拔入鰲峰書院舉業之外兼課詩古文
詞參亭每試必上等戊子舉於鄉癸巳成進士用薦入
武英殿修書受知陳恪勤公試第一出爲東光令連丁
內外艱服闋補上元未之官而虧帑事發轉徙燕趙三
十年百口嗷嗷傭硯以食晚病痿蹠跚而歸不兩月遽
卒參亭豐頤皤腹飲饌兼數人詩才敏捷叉手卽成與

人言訥訥不出口下筆輒不能自休性畏岑寂所居之地賓朋滿座狂吟縱酒六博圍碁竟日夜譴呼不倦間閉戶孤坐則伏几欠伸少焉鼯聲達戶外矣其興趣如此先君宰固安參亭時自京師來視與余兄弟唱酬比余居官數集名流結詩社參亭常往來其間故集中詩半皆同作其體格不離晉安派間入蘇陸諸家而爽氣豪情湧出於筆墨之外如生駒振鬣仗馬失鳴羯鼓數通琴聲解穢異乎閉目搖首自詫唐音者也參亭旣以詩名平生志業終摶鬱不得洩則一寄之於詩遇桐人廣座張宴命題諸人方呻吟營度參亭已落紙如風回塵勿讀意自得也蓋其豪情勝過一往無前故意到筆

隨於前輩所云抑之欲其奧廉之欲其節固而存之欲其重者實未嘗屑屑措意一時同社諸子咸效箴規謂君才高學富力敵萬人然當下筆臨文能痛自割捨乃佳不則易於語言未免蛟螭之雜螻蚓若昌黎氏之議崔侯然者豈不可惜參亭心善其言然性之所便迅筆疾書兔起鶻落不能少遲緩也參亭在都日常招銓侶至八里庄看杏花酒酣卽席賦七言古詩一章臨川李穆堂先生在他席見之擊節咨賞時冠蓋如雲彼此不相顧而散遲十年臨川總制畿輔參亭方罷官落拓循例脩謁刺入遽延見首及杏花詩背誦不遺一字問記憶李生否參亭茫然久之乃省悟其後卒藉臨川力以

完風道論者稱爲詩人奇遇獨是元稹才子名徹禁中
韓翃暮年詩傳御筆類皆以一聯一韻梯富貴而弋榮
華參亨乃僅僅藉以免罪文章九命能勿誦鳳洲遺言
而長太息也哉

本朝詩
鈔小傳

伯兄石幢先生

伯兄石幢先生諱方城字則望先大夫蕉溪公冢子幼
不好弄端重如成人稍長從蕉溪公學入則稟母訓不
從他師蕉溪公教子嚴以長子屬望尤切月授經書尺
許背誦偶訛則咎罵不少貸年二十爲諸生先是病瘧
半載嘗自言勿讀書困于程限若有物橫梗胸中格格
不快至是忽開豁心地空明病起復按前所習書皆有

新解殆禪家所謂頓悟者機耶顧久困場屋年四十六始舉雍正癸卯科鄉試又十年成進士筮仕得蜀之新繁邑固彈丸然密邇省會號稱殷繁而關隴楚粵滇黔之民蜂屯蟻聚紛擾無已先生以慈惠忠信臨之調劑得宜民有悅服乾隆十年計吏舉治行尤異旋以蜀闈磨勘事錯一秩先生怡然而上官深扼腕不令倣裴延主錦江書院蜀士聞名景附負笈者踵相接書舍至填溢不可容踰年竟以疾卒方坤當髫髻之歲先生已績學工文籍甚邦國三冬文史嘗從講業迨弱冠薄有文名先生則驟然色喜引以爲友每花晨月夕埭簫迭奏一字未安推猷竟日風雨對床之樂自謂不讓前哲在

都門與任鈞臺陳德泉孫沛村伍鯤扶洪月航周瑞峯
諸公往來唱和金石爭鳴一時傳爲美談顧方坤沾沾
自喜享敝帚以千金先生則意思蕭散含毫邈然每一
篇出遠近傳鈔幾于紙貴而先生顧退然如不勝也又
嘗於叢臺官舍刻燭賦詩拈題得寒柝限雙字韵方坤
先得句云遲久更疑六午啁唱或雙客告歎其新穎及
先生詩成則云偶作行歌互應驚好夢襲於時徐靜谷
先生在坐乃拍案叫絕謂是題能以神韵勝斯爲絕無
僅有豈但壓倒元白已哉其爲哲匠所浴賞如此蓋嘗
竊論先生之詩有根柢焉有興會焉根柢原於學問興
會發於性情二者兼之而又天骨森張才鋒劍出故能

銜華佩實大放厥詞世人皆以韓蘇目之而精深華妙
大致於坡仙爲近人蜀後藻思綺合不名一格曾以將
進酒高軒過十數篇相寄奇古纖穠宛然長吉飛卿家
數無老人衰颯態方竊喜爲壽徵不謂曾未半年而竟
溘然長逝隙駟不留風流頓盡掩卷不知涕之何從也
昔篋中收季川詩中州登敏之作而近代漁洋之撰感
舊集也亦以考功名列紙尾故方坤於詩鈔竣事之日
敬援此例而以茲集爲條理之終上視百年已交呂攀
樞之不愧矣而豈阿私其所好也哉

本朝詩鈔小傳

先生入闈始已卯凡八試而後遇季弟荔鄉公先取科
第比令邯鄲偕行邑中大政事必與忝考盡善及出岫

頌翕然初先生從侍固安署多嘉賓爲築雪泥居觴咏
其間春秋勝日潔肴肅容酒數巡蕉溪公當席賦詩黃
太夫人自帷中應之先生兄弟及賓從賡和極一時之
盛至是與廖公耨田族姪參亭唱消寒會倦柝聲斷殘
月影微活火欲燼侍者盡散而吟興愈高或故拊難題
或連拈險韻旗鼓相當金石交戛然視先生兄弟詩皆
謝弗如退自裂其稿先是壬寅癸卯先生昆季結社里
中常主騷壇後荔鄉牧景州歌咏尤多合付剞劂曰唱
和集藝林貴之擬之二陸

九晚
古文

莊子稱水之積也不厚則其負大舟也無力韓子謂水
大而物之浮者大小畢浮又曰氣之於言猶是也水固

可通於言乎余拙於言者也志在知言言一耳而不無
鮮有光談有排異有雅麗清奧有希微淡泊其諸水之
爲淪爲瀾爲漣漪爲滄波而無定質哉少時從潘立夫
華寶錄中獲讀吾友石幢先生制義謂當吾世而有立
言者其在斯乎乾隆二年余在什邡石幢令新繁晤於
錦城同官雜沓余獨愛與石幢游石幢亦偷閒時時過
我出五言古詩神似昌黎余固竒之猶謂石幢當如是
耳是後旋離旋台離數月必合合四五月復離台時少
而離未嘗不合六年冬余赴南充石幢恨遠離恐不可
復合余亦恨之然自謂固已得我石幢矣今年春王子
質夫忝軍果郡出石幢詩十卷余受視且驚且喜曰君

胡致此盡三日讀竟古詩類曹劉閒出入昌黎長歌既
類韓又類杜亦似元白東坡排律端效韓孟近體則盛
晚諸家不可悉數竊念與石幢交最深知工詩不知其
富見其富不意其大無不該如此乃知向者窺之淺也
未幾謁大府復見石幢不暇作他語問何以詣此石幢
曰吾於詩無不讀不久讀讀一詩過再取一詩方讀一
詩卽學爲一詩似不似弗知亦弗計也嗟乎士固有窮
年一編手摹心追常苦其不似者石幢無不似乃無不
讀而不久讀耶吾知其所積矣源頭活水本無定質是
以沫成淪激成瀾風行而漣漪朝宗而滄波以成其不
測要之則惟一大何以大曰厚而已

九
晚
古文

余官於蜀有厚而親者曰故新繁侯鄭石幢先生先生
有道而文博聞強識尤精爲詩與弟荔鄉先生鵲起閩
南並徵名比二陸而風流儒雅尤有詩人之度故同官
多稱石幢先生云余與先生爲同年友先生善關中劉
九畹識先生自九畹始同時故重郡守李蔚州于碧泉
則慕與之交于最劣先生益親予予呼曰兄尊如師兄
生愛余如弟相依如駉蛩先生之詩曰二人相對胡相
善自不知其所以然還以質之秦中劉九畹予得於先
生如此省藤自存草

足下詩力追古人近代所罕觀僕深愛之故亟請付梓
期冀其傳足下謙讓未遑至謂僕阿所好久欲裁荅多

事匆匆未暇一言前月李子枚臣自西江來與僕晤果
郡云於潘立夫處見足下作心儀者屢矣未窺全豹深
以爲憾僕出王質夫所藏足下詩十卷相示反覆讀拳
拳不能舍悵然而去使早付梓寧有是哉昔左思三都
賦成一時傳寫紙貴洛陽王之渙昌齡諸所吟咏旗亭
歌謳以故人人得而見之今旣無好事者之傳寫又無
知音伶倫被之管絃不遇二三同志千里相思復以未
經錫鬲艱於流播吉光片羽徒想像於聞風契歎之餘是則
僕所瞻念而不能釋然者也

九曜
古文

雍正元年舉於鄉又十年捷南宮筮新邑殊無似棲鄙
夷意至則門庭新造一本最初念頭愛民爲主作士其

本來面目修廢墜皆有法大約政識體要簿書期會不
必不疎時以人心風俗爲急急而錦江玉壘適逢故物
間亦寓之於詩其有感情不無嘲笑隱約不爲擊刺而
寬閒清麗抒其和平託諸風雲鳥獸禽魚草木之狀類
沈浸醲郁時爲冲逸亦見老勁故無知不知皆推仙吏
繁江依爲慈母編史訟庭遂備一邑之獻余尹定邑時
驅車過之士安於庠農安於野商賈安於市殘堞初粉
人靜官廨青山印堂素琴一具流溢虛窓碧草間何物
吟弄化作輞川圖昔李良齋初不許先生吏治及署篆
歎曰以德化民吾見不早然則知其詩不知其政者固
多知其政不知其表裏雅頌者亦謬也

省齋自
存草

晉安鄭荔鄉方坤與兄石幢方城先後成進士有却掃
齋倡和集妥帖排冪最擅奇警荔鄉咏煖鍋云酒陰司
項其寒感變俄頃夜臥衾生稜晨書筆垂綆癯儒尤貪
食非不列杯皿朔風動地來攢眉愁齒冷嚼雪將奈何
水懦濟以猛江南錫爲月椎鑿出頑礦乃匠琢成模製
與豆登等燦燦白如銀飾之苗山鑣彭亨足有容那復
分畦畛圓蓋一太極幕首免露頂帖妥驚裙垂不作鳬
鶴脰右挈而左提兩耳弓束繫中央洞無物母乃象廢
井呵奴策火攻醖醖生稗秉離上巽斯下於卦名爲鼎
揭視悅饑日一一皆雋永醜髀或解丁鱗鬚倘出丙受
辛滋桂薑抽甲毛漆荇鱸薺儘收羅聶切任斜整沉焉

星間石浮者桃斷梗微沫噴珠璣亂響聒蛙龜老饕恣
大嚼衆客紛延頸下箸揭長竿舉匕泛小艇蠶食豈割
魏狼吞乃入郢藉此勸加餐何嘗礙說餽捫腹已果然
發言莫聽瑩側聞占之人每飯祝噎哽酸鹹洪範陳瘠
羶內則饗食單欠講明心疾起蛇影是物固驅寒內熱
亦宜省動搖及齒牙燂灼延項領或作馬卿瘠或嘲杜
預嚔譬彼嗜酒人腐腸終不醒寄語囑厨娘此後亟當
屏和以冷淘槐豉以甘泉茗物候一轉移習習清涼境
石幢扣云河源始濫觴倏忽波千頃又如汲旣深勢定
繫修綆不見箸與盂因緣作器皿所以隆冬時忽亦防
齒冷畫腹一低頭妙諦思精猛頗聞始製人含意金在

鑪出竒衆所歡試說與公等廣州錫晁佳鎔化無堅挺
恒苦八簋陳鉅釘太分眇圖圖衆品羅共殮熱露頂簡
便更易隨提挈走不脛有是百弗需棄之若短檠客問
狀若何取視果井井朝列映日浮盱食輝燭秉形旣異
商盤象特摹周鼎中立銅柱標炎海勒勲永空洞嘆洪
鑪下口穴爲丙烈燄生槐檀縷烟裊藻荇復有兩耳垂
對待亦修整上圓下砥平偶爾藉雙梗方其水沸翻跳
躑同鼃鼃久乃浪益騰氣蒸緣項頸食單種種投出沒
儼泛艇攘臂無後先誰唱誰和郢絮嚮遍菜羹淋漓及
湯餅放箸興已闌撥灰色微瑩尚有暘未充無憂喉或
哽復謀桴柁添火攻應再警固閉開須臾餘波蕩人影

如是且復然號餐宜三省竊聞物性殊薤藪各意領狗
臊而牛瘡殆如木有癭明者見道深昧者呼寐醒有忌
定有宜一取須一屏淆雜母乃傷至理柯巾茗所喜此
具工豆間闕異境

榕陰
詩話